



Broj: 06-11-27541-7/26
Sarajevo, 19.06.2026. godine

Na osnovu člana 70. st. 1, 3. i 6. Zakona o javnim nabavkama („Službeni glasnik BiH“, br. 39/14, 59/22 i 50/24), Pravilnika o postupku dodjele ugovora o uslugama iz Aneksa II Zakona o javnim nabavkama BiH („Službeni glasnik BiH“, broj 2/23), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14 i 49/23), Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 10/26), na preporuku Komisije za javne nabavke broj: 06-11-27541-5/26 od 18.06.2026. godine, u postupku javne nabavke: Pružanje usluga klimatskog liječenja (rehabilitacije) za pripadnike boračke populacije Kantona Sarajevo, Ministar za boračka pitanja Kantona Sarajevo, donosi:

O D L U K U

**o izboru ponuđača za pružanje usluga klimatskog liječenja (rehabilitaciju)
za pripadnike boračke populacije Kantona Sarajevo
JRJN: 85000000-9 - Usluge u području zdravstva i socijalne zaštite**

Član 1.

Prihvata se preporuka Komisije za javnu nabavku broj: 06-11-27541-5/26 od 19.06.2026. godine o izboru ponuđača Bossina d.o.o. Zaostrog, Republika Hrvatska za javnu nabavku usluga klimatskog liječenja (rehabilitacije) za pripadnike boračke populacije Kantona Sarajevo po ponudenoj cijeni za sedmodnevni boravak u iznosu od 609,241045 KM (44,50 eura x 1,955830 x 7 dana). Obzirom da je ponuđač iz Zaostroga, Republika Hrvatska, gdje se i pruža usluga, sa stanovišta Zakona o porezu na dodatu vrijednost („Službeni glasnik BiH“, br. 9/05, 35/05, 100/08 i 33/17) ponuđač nije PDV-obveznik u Bosni i Hercegovini.

Član 2.

Nabavka je provedena po procedurama Zakona o javnim nabavkama („Službeni glasnik BiH“, br. 39/14, 59/22 i 50/24), Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj 2/23) i drugih podzakonskih i internih akata.

Član 3.

Ugovor za pružanje usluga klimatskog liječenja (rehabilitacije) za pripadnike boračke populacije Kantona Sarajevo sa izabranim ponuđačem će se zaključiti za korisnike koji će biti upućeni u klimatsko lječilište po mišljenju i instrukciji Ljekarske komisije, a u skladu sa Pravilnikom o postupku



dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj 2/23) i Pravilnikom za utvrđivanje prava na banjско i klimatsko liječenje (medicinsku rehabilitaciju) („Službene novine Kantona Sarajevo, br. 9/21 i 7/24).

Ugovorni organ će za svaku grupu korisnika Dobavljaču dostavljati Odluku o upućivanju korisnika sa odgovarajućim spiskom i isti su Dobavljaču osnov za ispostavljanje fakture.

Grupe će se upućivati u periodu 05.07.-13.09.2026. godine.

Član 4.

Za izvršenje ove Odluke zadužuje se i ovlašćuje Sektor za boračko invalidsku zaštitu Ministarstva za boračka pitanja Kantona Sarajevo.

Član 5.

Ova Odluka objavit će se na web-stranici ministarstva www.mbp.ks.gov.ba, istovremeno sa upućivanjem ponuđaču koje je dostavio ponudu, u skladu sa članom 70. stav 6. Zakona o javnim nabavkama.

Član 6.

Ova Odluka stupa na snagu danom donošenja.

O b r a z l o ž e n j e

Postupak javne nabavke: Pružanje usluga klimatskog liječenja (rehabilitacije) za pripadnike boračke populacije Kantona Sarajevo, pokrenut je Odlukom ministra o pokretanju postupka nabavke broj: 06-11-27541/26 od 20.05.2026. godine.

Prije pokretanja postupka javne nabavke izvršeno je ispitivanje tržišta, kako bi se izvršila procjena cijena na terenu i procjena broja korisnika u odnosu na procijenjenu vrijednost javne nabavke.

Javni poziv broj: 06-11-27541-1/26 od 26.05.2026. godine, objavljen je na Portalu javnih nabavki dana 26.05.2026. godine sa Obavještenjem o nabavci broj: 920-9-2-4-22-9/26.

Krajnji rok za dostavljanje ponuda iz Javnog poziva i Obavještenja utvrđen je za dan 12.06.2026. godine u 10.00 sati. Javnim pozivom nije predviđeno javno otvaranje ponuda.

Javnim pozivom je definisano da će se sukcesivni ugovori zaključivati sa više dobavljača.

U ostavljenom roku blagovremeno je pristigla jedna ponuda:

Bossina d.o.o. Zaostrog Republika Hrvatska - ponuda broj: 06-11-30159/26 od 10.06.2026.godine, a što je konstatovano Zapisnikom o zaprimanju ponuda broj: 06-11-27541-2/26 od 12.06.2026. godine i Zapisnikom o otvaranju ponuda broj: 06-11-27541-3/26 od 18.06.2026. godine koji je otpremljen ponuđaču na adresu.

Nakon otvaranja ponuda, Komisija je dana 19.06.2026. godine u 08.00 sati započela, pregledanje i ocjenu prispjele ponude po objavljenom Javnom pozivu broj: 06-11-27541-1/26 za pružanje usluga klimatskog liječenja (rehabilitacije) za pripadnike boračke populacije Kantona Sarajevo.

Nakon ocjene ponude ponuđača Bossina d.o.o. Zaostrog – Republika Hrvatska utvrđeno je da je ponuda blagovremena, potpuna i da je dostavljena prihvatljiva cijena za usluge iz Javnog poziva.

Analizom pojedinačnih dokumenata utvrđeno je slijedeće:

Javnim pozivom tačkom IX Uslovi i zahtjevi koje ponuđači trebaju ispuniti traženo je:

- 1. Ponuđač je na osnovu člana 45. Zakona u svrhu dokazivanja lične sposobnosti dužan dokazati da:**



- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

Kao dokaz o ispunjavanju uslova iz navedene tačke Javnog poziva dostavljeno je Uvjerenje Općinskog kaznenog suda u Zagrebu broj Su-Ukpe-163001/2026 od 27.05.2025. godine da se protiv Davora Matića (koji je ovlaštena osoba za zastupanje) ne vodi kazneni postupak za kaznena djela koja se progone po službenoj dužnosti.

- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

Kao dokaz o ispunjavanju uslova iz navedene tačke Javnog poziva dostavljen je Izvadak iz sudskog registra izdat od strane javnog bilježnika dana 08.06.2026. godine sa odgovarajućim podacima, i iz istog se vidi da ponuđač (firma) nije pod stečajem ni u postupku likvidacije.

Napomena: Ponuđač je dostavio i pojašnjenje (izjava ovjerena kod javnog bilježnika) u kojoj su pojašnjeni dokazi za tačke a) i b).

- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Kao dokaz o ispunjavanju uslova iz tački c) i d) dostavljena je Potvrda Ministarstva finansija Republike Hrvatske, Porezne uprave – Područni ured Split – Ispostava Makarska KLASA: 034-04/26-10/4278 URBROJ: 513-07-17-02-26-2 od 27.05.2026. godine, kojom se potvrđuje da porezni obveznik Bossina d.o.o. Zaostrog na dan 27.05.2026. godine nema duga po osnovu javnih davanja o kojim službeno evidenciju vodi Porezna uprava.

Napomena: Ponuđač je dostavio i pojašnjenje preduzeća Contare 13 doo (ovjereni dokument firme koja za Bossina doo vodi kompletno knjigovodstvo) u kojoj je pojašnjeno ispunjavanje uslova za tačke c) i d). i dostavljeni dokaz.

Obzirom da je u napomeni iz tačke IX Javnog poziva navedeno da ukoliko ponuđač nije sa područja Bosne i Hercegovine, potrebno je da se dostavi jasna dokumentacija za dokazivanje uslova iz člana 45. Zakona o javnim nabavkama („Službeni glasnik BiH“, br. 39/14, 59/22 i 50/24), izdata od nadležnog organa ili institucije iz zemlje ponuđača uz pojašnjenje u formi izjave.

Predmetnom napomenom je definisan ovakav način dostavljanja pojašnjenja iz iskustvenih razloga, obzirom da smo i ranije imali slučaj prijave ponuđača koji nije sa područja Bosne i Hercegovine.

Uvidom u ponudu utvrđeno je da je ponuđač Bossina d.o.o. Zaostrog – Republika Hrvatska dostavio pojašnjenje podataka iz tačke IX Javnog poziva, te je analizom istog utvrđeno da dostavljena dokumenta u ponudi ponuđača dokazuju traženo tačkom IX Javnog poziva.

Na osnovu naprijed navedenog, Komisija je zauzela stav da ministru kao predstavniku ugovornog organa dostavi preporuku o izboru ponuđača Bossina d.o.o. Zaostrog, Republika Hrvatska za javnu nabavku: Pružanje usluga klimatskog liječenja (rehabilitacije) za pripadnike boračke populacije Kantona Sarajevo sa ponuđenom cijenom 609,2415045 KM (44,50 eura x 1,955830 x 7 dana) po



korisniku za sedam dana boravka na klimatskom liječenju (rehabilitaciji) u periodu 05.07.-13.09.2026. godina.

Obzirom da je ponuđač firma iz Zaostroga, Republika Hrvatska, gdje se i pruža usluga, sa stanovišta Zakona o porezu na dodatu vrijednost („Službeni glasnik BiH“, br. 9/05, 35/05, 100/08 i 33/17) ponuđač nije PDV-obveznik u Bosni i Hercegovini, te je navedena cijena konačna cijena koju plaća ugovorni organ.

Ponuđač je dostavio izjavu da obračun PDV-a u Republici Hrvatskoj na usluge smještaja u turizmu iznosi 13%, ali se radi o „lokalnom porezu“ koji se plaća Republici Hrvatskoj.

Javnim pozivom je predviđeno zaključivanje ugovora sa više ponuđača, ali kako se na Javni poziv prijavio samo jedan ponuđač odlučeno je da se predloži prihvatanje ponude jednog ponuđača, a sve iz razloga što je interes ugovornog organa da ovu uslugu izvrši više ponuđača. Iskustveno je bilo za pretpostaviti da će se na javni poziv prijaviti samo jedan ponuđač zbog specifičnosti uslova koji se traže, a sve radi psihofizičkog stanja korisnika koji se namjeravaju upućivati na klimatsku rehabilitaciju.

Sa odabranim ponuđačem će se u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj 2/23) i Javnim pozivom broj 06-11-20084-1/25 od 07.05.2025. godine zaključiti ugovor za grupe koje odredi ljebarska komisija imenovana od strane ministra. Ugovorni organ će za svaku grupu korisnika Dobavljaču dostavljati Odluku o upućivanju korisnika sa odgovarajućim spiskom i isti su Dobavljaču osnov za ispostavljanje fakture.

Iz navedenih razloga, primjenom Zakona o javnim nabavkama („Službeni glasnik BiH“, br. 39/14, 59/22 i 50/24), Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj 2/23) i Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 10/26), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke ugovornog organa o izboru najpovoljnijih ponuđača

Žalba se podnosi URŽ-u putem ugovornog organa u 3 (tri) primjerka.



Dostaviti:

1. Ponuđaču;
2. Evidenciji;
3. a/a.

